

Թէոդորոս Պատրիարք և Ղազար վարդապետ՝ առ Փոխանորդն Պօղոս վարդապետ, Թերեւս կարասցեն ազատել զնոսա՝ ի ձեռաց նորին՝ այլ չեղեւ հնար, զի մնաց երկար ժամանակ ՚ի ձեռս այլազգեաց. զորս յետոյ բազում աշխատութեամբ և ծախիւք հազիւ կարացին ազատել. ՚ի սոյն կարգի էր և առնն յոր նստէր Հաննա Տիմեան իբր փոխ Հիւսպատոս Անգղիոյ։

Նաև ուխտաւորացն Հայոց մեկնեալ ՚ի Կոստանդինուպօլսոյ՝ և հասեալ ՚ի Կողմանա Շամ Թարապուլուս քաղաքի՝ հանգիպեցաւ փոթորկի մեծի, եւ վտանգեալ նաւն անկաւ ՚ի ցամաք, և հեղձան ՚ի ծով անդր անձինք 36 յուխտաւորաց, և եղեւ փնտս մեծ և աւերթ փնտսու, սուգ և տրտմութիւն Թէոդորոս Պատրիարքի և միաբանացն Երուսաղէմի, և վիշտ անհնարին մերձաւորաց և ընտանեաց ծովամոյն եղելոց։ Ի սոյն նաւի էր և մայր Արքունի ճարտարապետ Դրիգոր Գալֆայի՝ Խաթուն անուն, և հիւրընկալ վարդապետ, բայց սոքա անփնաս զերծան ՚ի վտանգէ (1813)։

Եհան Արքայ արտաքս զհրովարտական վաւերացեալ Կայսերական վերնագրով (Խաթի Շէրիֆ) (1812. ՚ի 13 Դեկտեմբերի) յետ մնալոյ ՚ի ներքս ամիսս 18, և առաքեաց ՚ի Դուռն տալ զմին Հայոց և զմիւսն Յունաց։ Ասկայն հրովարտակքն արգելան անդ ամսօրեայ ժամանակաւ, և բազում անցք անցին զգլխով նոցին՝ զի Թերեւս խափանեցին։ Եւ ապա կոչեալ զՀայս առանձին և ըզնոյնս առանձին՝ ետուն զհրովարտական (՚ի 13 Յունվարի) երկօքեանն դրեալ ՚ի մի եւ նոյն միտս, զի մին ընթեռնելով՝ իմանի և միւսն։

Ապա ուրախութեամբ օրհնեցին Հայք զԱստուած եւ զԱրքայն արդարասէր և զՏէրութիւն նորին, և զամենայն աշխատաւորս եւ զերախտաւորս ազգին, որոց անուանքն գրեալ են ՚ի դպրութեան կենաց։ Այս երկօքին հրովարտակքն արձանագրեցան յամենայն Դիւանս Արքունեաց և ՚ի դատարանս Կոստանդինուպօլսոյ ըստ հրամանի Արքային. և ապա զարդարեցին զայն ոսկենկար ծաղկով՝ և հանեալ զօրինակս նորին առաքեցին ՚ի հեռաւոր յայլ և այլ տեղիս՝ և զմի պատճէն յեղիպտոս, յուրախութիւն